


Aktiviti Belajar Bahasa Ibunda di Rumah 2

Apakah yang boleh anda lakukan bersama anak anda?

Aktiviti Bersama Keluarga

Objektif aktiviti ini adalah untuk menggalakkan anak anda mengingat semula aktiviti yang pernah dilakukan bersama-sama anda. Anda memerlukan sekeping kertas, alat tulis dan juga anak patung kertas ahli keluarga yang telah di sudah siap digunting. Mengajak anak anda untuk menemuramah setiap ahli keluarga mengenai makanan kesukaan mereka. Anda boleh membantu mereka untuk melukiskan, mewarnakan dan menggunting makanan tersebut.

Kemudian, galakkan anak anda untuk mengingat semula makanan yang telah disebutkan. Setelah itu meletakkan boneka ahli keluarga pada makanan yang disukai oleh setiap ahli keluarga. Galakkan anak anda menggunakan ayat-ayat mudah dan kata panggilan yang sesuai bagi anggota keluarga anda serta menamakan makanan yang disukai sebagai contoh: Ayah suka nasi ayam, ibu suka mi goreng, abang suka nasi lemak dan sebagainya.



Mari Menyanyi

Nyanyikan lagu “ Mari Makan” ini bersama-sama anak anda dengan menggunakan melodi “I hear thunder” ketika mereka makan.

Mari Makan

Mari makan,
Mari makan
Nasi ayam,
Nasi ayam
Rasanya sungguh
sedap
Rasanya sungguh
sedap
Yam, yam, yam
Umh!



Mari makan,
Mari makan
Mi goreng,
Mi goreng
Rasanya sungguh
sedap
Rasanya sungguh
sedap
Yam, yam ,yam
Umh!



Makanannya boleh di ubah mengikut makanan yang disukai oleh keluarga.

Membaca dan Berbual

Bahagian 1: Ajak anak anda melihat surat khabar yang ada di rumah. Galakkan anak anda melihat gambar atau bahagian di akhbar yang disukai dan tanyakan soalan-soalan berikut:

- Mengapakah kamu suka gambar/ artikel ini?
- Cuba kamu teka gambar/ artikel ini tentang apa?
- Mari kita lihat huruf-huruf yang ada di sini dan namakan.

Bahagian 2: Baca bersama-sama anak anda mengenai gambar/ bahagian di akhbar tersebut. Kemudian, tanyakan soalan-soalan berikut:

- Apakah huruf-huruf yang kamu lihat?
- Mari kita tulis huruf-huruf ini.
- Seterusnya anda boleh membunyikan bunyi huruf-huruf, contoh ini huruf b dan bunyinya /b/b/b/ seperti bola, buku dan baju.

Yuk Susun

Permainan ‘Yuk Susun’ amat mudah kerana anda hanya memerlukan pakaian yang ada di rumah. Kanak-kanak diajak untuk membantu mengangkat pakaian yang telah kering dijemur atau dari mesin pengering. Kanak-kanak bersama anggota keluarga melipat pakaian-pakaian tersebut.

Ketika melipat pakaian pakaian itu, ibu bapa boleh memperkenalkan kanak-kanak dengan nama-nama pakaian yang dilipat seperti: kain pelekat, baju, seluar panjang, seluar pendek, kain sarung, kemeja, dan T-shirt.

Setelah melipat pakaian, mereka diajak untuk menyusun pakaian tersebut mengikut kepunyaan anggota keluarga sambil berbicara, “Ini baju kakak, ini kain nenek.”



Berseronoklah bersama anakanda!